

საქართველოს პარლამენტის წევრის - ნინო გოგუაძის ვიზიტის

ა ნ გ ა რ ი შ ი

ლონდონი, დიდი ბრიტანეთი

18-20 მარტი, 2018

მ/წ 18-20 მარტს, „ვესტმინსტერის ფონდის დემოკრატიისთვის“ მიწვევით, ვიმყოფებოდი ლონდონში საერთაშორისო კონფერენციაზე „ძალადობა ქალი პოლიტიკოსების წინააღმდეგ“. კონფერენცია ჩატარდა გაერთიანებული სამეფოს ყველა პოლიტიკური პარტიის და „ვესტმინსტერის ფონდი დემოკრატიისთვის“ მხარდაჭერით და ორგანიზებით.

კონფერენციაზე, მოხსენება გავაკეთე საკითხზე „Costs of Politics for Women“, სადაც ვისაუბრე საქართველოს გამოცდილებაზე ქალთა პოლიტიკური მონაწილეობის საკითხებში, ასევე საკანონმდებლო და აღმასრულებელი ხელისუფლებების მიერ განხორციელებულ და მიმდინარე საქმიანობების შესახებ ქალთა პოლიტიკური და საზოგადოებრივი აქტივობის გაძლიერების თვალსაზრისით.

კონფერენციაში მონაწილეობდნენ სხვადასხვა ქვეყნის ქალი პოლიტიკოსები, ასევე ჟურნალისტები, კერძო და არასამთავრობო სექტორის წარმომადგენლები. მონაწილეებს შორის იყვნენ გაერთიანებული სამეფოს, აშშ, უკრაინის, კანადის, სამხრეთ აფრიკის, იორდანის, ეგვიპტის, არგენტინის მოქმედი და ყოფილი პარლამენტის წევრები, ასევე სხვა წარმომადგენლები.

კონფერენციის მიზანს წარმოადგენდა ქალთა მეტი პოლიტიკური ჩართულობის ხელშეწყობის საკითხებზე ქვეყნებს შორის გამოცდილებების გაზიარება, საერთო და ინდივიდუალური პრობლემების იდენტიფიცირება და საერთო აქტივობების შესახებ მსჯელობა. ასევე, ქალ პოლიტიკოსთა გლობალური ქსელის გაფართოება და ურთიერთობების გაღრმავება.